

**Uunga siunnersuut: Ilinniartunut tapiisarneq pillugu Inatsisartut inatsisaat nr. xx, xx
xxx 2017-imeersoq.**

(Inuussutissarsiornermut, Suliffeqarnermut, Niuernermit Nukissiuuteqarnermullu
Naalakkersuisoq)

**pillugu
siunnersuutip aappassaaneerpeqarneranut**

Inuussutissarsiornermut Aatsitassanullu Ataatsimiititaliap

ISUMALIUTISSIISUTAA

Ataatsimiititaliap suliarinninnermini kingullermik ilaasortarai:

Inatsisartunut ilaasortaq Peter Olsen, Inuit Ataqtigiit, siulittaasoq

Inatsisartunut ilaasortaq Justus Hansen Demokraatit, siulittaasup tullia

Inatsisartunut ilaasortaq Nikkulaat Jeremiassen, Siumut

Inatsisartunut ilaasortaq Jens-Erik Kirkegaard, Siumut

Inatsisartunut ilaasortaq Knud Kristiansen Siumut

Inatsisartunut ilaasortaq Kelly Berthelsen, Inuit Ataqtigiit

Inatsisartunut ilaasortaq Per Rosing-Petersen, Partii Naleraq

1. Siunnersuutip imarisai siunertaalu

Inatsisartut inatsisaanni ilinniarnermi tapiissutit pillugit maleruagassat tunngaviusussat aalajangersarneqarput, ilanngullugit ilinniartunut tapersiissutit annertussusissaat aalajangersarneqarlutik aammalu ilinniartunut tapersiissutinik tunniussisarnermut tunngavissarititaasut tunngaviusussat. Kiisalu Inatsisartut inatsisaat, atuariartorsimanerup nalunaarsorneqarnissaa nakkutigineqarnissaalu aammalu ilinniartunut tapersiissutinik tunniussisarneq pillugit aalajangersakkanik, imaqarpoq.

Inatsisartut inatsisaanni, suliffissanut, ilitsersuisarnernut pikkorissaqqinnernullu qitiusumik ingerlatsivinni ilinniartunut, ilinniartunut tapersiissutit pillugit maleruagassat Inatsisartut inatsisaanni ataatsimi ataatsimoortinneqarput. Inatsisartut inatsisaat ilinniartunut tapersiissutit pillugit tunngaviusunik aalajangersakkanik piginnaatitsissutinullu aalajangersakkanik imaqarpoq, nalunaarutini inatsisini sukumiinerusumik maleruagassiilluni aalajangersaanermit

atorneqarsinnaalluni. Naalakkersuisut taamaalillutik ilinniartunut tapersiissutinik tigusinissamat piumasaqaatit pillugit, ilinniartut atuariartortarnerinik nalunaarsuinissamat piumasaqaatit ilaalu ilanngullugit, pillugit maleruagassanik erseqqinnerusunik aalajangersaanissamat, piginnaatinneqarput.

2. Siunnersuutip Inatsisartuni suliarineqarnera

Siunnersuutip siullermeerneqarnerani partiit oqaaseqaataani allassimasut oqaatigineqartullu aallaavigalugit siunnersuut amerlanerussuteqartunit tapersernejartoq Inuussutissarsiornermut Ataatsimiititaliap paasivaa.

3. Tusarniaaneq

Siunnersuutip Naalakkersuisut tusarniaaviatigut piffissami 9. maj 2017-imiit ulloq 13. juni 2017 tungaanut tusarniaassutigineqarsimasoq Naalakkersuisunit ilisimatitsissutigineqarpoq. Siunnersuut aamma ukununga tusarniutigineqarsimasoq Naalakkersuisut ilisimatitsissutigineqarpoq, Naalakkersuisoqarfinni tamani, Qeqqata Kommunea, Kommune Kujalleq, Kommuneqarfik Sermersooq, Qaasuitsup Kommunea, KANUKOKA, GE, NUSUKA, SIK, IMAK, ASG aammalu AK.

Nassuiaatini nalinginnaasuni tusarniaanermi akissuteqaatit imartoqisut Naalakkersuisut nassuiaassutigaa, aammalu tusarniaanermi akissuteqaatit aallaavigalugit siunnersuut arlalitsigut allannguiffigineqarsimasoq ilanngullugu Naalakkersuisut nassuiaassutigaa. Tusarniaanerup ingerlanneqarnera pillugu Ataatsimiititaliaq allanik oqaaseqaateqarnissamat tunngavissaqarsorinngilaq.

4. Ataatsimiititaliap siunnersuummik suliarinninnera

Suliffissanut, ilitersuinernut pikkorissaqqinnernullu qitiusumik ingerlatsivinni ilinniartunut, ilinniartunut tapersiissutit pillugit ilinniartut atuariartorsimanerisa nalunaarsorneqarnissai nakkutigineqarnissaalu pillugit Inatsisartut inatsisaani maleruagassaqarpoq, tamatumani kommunalbestyrelsip ilinniartut akuerisaanngitsumik atuanngitsoorneri aallaavigalugit ilinniartunut tapersiissutinik tunniussinerni annikillisaasinnaanerit ilanngullugit inatsimmi maleruagassaqartinneqarput. Kiisalu ilinniartunut tapersiissutinik tunniunneqarsimasunik utertitsinerumut atatillugu kommunalbestyrelsip ilinniartut atuariartortarneri pillugit paasissutissanik Naalakkersuisunut nalunaarsuisussaataaneritut aalajangersakkanik Inatsisartut inatsisaanni piumasaqaateqarpoq.

Ilinniartunut tapersiissutinik tigusinissamat piumasaqaatit pillugit ilinniartullu atuariartortarnerisa nalunaarsuorinissaanni piumasaqaatit pillugit Suliffissanut, ilitersuinernut pikkorissaqqinnernullu qitiusumik ingerlatsivinnut suleriesissat paasissutissallu atorneqartussat pillugit ilitersuusiortoqareersimasoq Naalakkersuisunit paasissutissiissutigineqarpoq.

Inatsisissap siunnersuutigineqartup kommunini Suliffissanut, ilitersuinernut pikkorissaqqinnernullu qitiusumik ingerlatsivinni qanoq sunniuteqarnissaa Naalakkersuisunit qanimut malinnaavigineqarnissaa Ataatsimiititaliamit naatsorsuutigineqarpoq, taamaalilluni siunnersuinerit inatsisissamiluunniit nalimmassaataasinnaasut allat aallarnisarsinnaaqqullugit.

5. Siunnersuutip aningaasaqarnikkut kingunerisassai


Ilinniarnermut tapiissutit annertussusaat ukiumoortumik procentimik aaqqiissutissamik iluarsineqartassasut procentilu aaqqiissutissaq aamma maannakkut isertitat pillugit inatsisartut inatsisaat naapertorlugu iluarsineqartassasoq Naalakkersuisut paasissutissiissutigaa. Atuartut amerlassusissaannut amerlassusiliussat ukiumiit ukiumut allanngoranngippata, ukiumoortumik iluarsisarnepur taassuma malitsigisaanik, ukiuni kingusinnerusuniittuni aningaasartuutit ukiut siuliinit qaffasinnerussapput.

Atuartut amerlassusissaannut amerlassusiliussat taamaalillunilu aningaasat suliffissanut, ilitersuisarnernut pikkorissaqqinnernullu qitiusumik ingerlatsivinni ilinniartunut tapersiissutitut immikkoortinneqartut tamarmiusut, maannamut pisartutut ukiumoortumik aningaasanut inatsisini aalajangersarneqartassapput. Maannamut pisartutut ilinniartunut tapersiissutitut aningaasartuutitut tamarmiusunut, taamaalilluni ukiumoortumik inatsisartut inatsisaanni pingaarnersiunerit apeqqaassapput.

6. Ataatsimiititaliap inassuteqaatai

Ataatsimiititaliap isumaqatigiittup siunnersuutip akuersissutigineqarnissaa inassutigaa

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.



Peter Olsen,
Siulittaasoq




Justus Hansen



Nikkulaat Jeremiassen




Jens-Erik Kirkegaard



Knud Kristiansen



Kelly Berthelsen



Per Rosing-Petersen